

1235

范太史集

卷一

上

卷二

卷三

卷四

卷五

卷六

卷七

卷八

卷九

詳校官庶吉士臣何道冲

檢討臣何思鈞覆勘

總校官進士臣楊懋珩

校對官中書臣嵇承志

謄錄監生臣蔣錦城

欽定四庫全書

范太史集卷四十七

宋 范祖禹 撰

皇族墓誌銘

右武衛大將軍寧州團練使贈襄州觀察使襄

陽侯墓誌銘

侯諱令龜字君寶彰化軍節度使舒國公惟忠之曾孫
萊州防禦使東萊侯從恪之孫武寧君節度觀察留後
魯國公世規之子母涇陽縣君和氏初賜名補右監門

率府副率歷右監門率府率右千牛衛將軍右監門衛
大將軍右武衛大將軍代州刺史寧州團練使侯幼聰
悟不為兒童戲惟喜筆硯長而好學魯公愛之不使治
他務惟令奉賓客掌詞翰魯公薨未禪而涇陽夫人棄
養哀毀幾滅性執喪五年無違禮生長富貴深以驕奢
為戒志行修潔不斬人知性仁愛不喜殺生婢僕有疾
必躬為拯療不遜聲色好學不倦宗室稱之元祐五年
九月庚午卒年四十有四娶梁氏封和順縣君八男曰

子囊右內率府副率早卒曰子買卒贈蘄州防禦使蘄
春侯曰子贄左班殿直曰子賀三班奉職曰子賢曰子
贊曰子質曰子賁六女長適右班殿直李宗彞次適左
侍禁劉和卿次適右侍禁路志行次適涇陽縣尉邢希
古二人在室孫男三人女三人九年二月己酉葬河南
永安縣銘曰

惟古邦君荒墜厥緒侯不驕溢以守貴富附以韓魏猶
貴欲然凡厥子孫視侯之賢

楚州刺史本州防禦使楚國公贈奉國軍節度

使謚良僖墓誌銘

公諱世恩字君貺曾祖楚康惠王德芳太祖第三子祖

英國公惟憲考榮安僖王從式母

闕

某氏初賜

名補太子右內率府副率歷右監門衛率府率右千牛
衛將軍右監門衛大將軍右武衛大將軍梅州刺史熙
寧七年神宗命公以潮州刺史楚國公主康惠王之祀
正拜袁州刺史景靈宮奉安祖宗神御禮成以康惠繪

像恩遷雅州團練使今上即位授楚州刺史本州防禦使公幼有成人之量及長謙沖謹厚動循禮節居家孝友與人愷悌榮王之喪三年不入寢室不飲酒茹葷元祐元年兄崇信軍節度使世采卒公哀悼感疾二年四月乙未薨年四十有七贈奉國軍節度使謚良僖夫人宋氏封永康縣君八男曰令勔右武衛大將軍濠州刺史次早卒曰令璿右侍禁曰令勸曰令覲皆左班殿直曰令庾右班殿直早卒曰令瑀左班殿直曰令剔右班

殿直早卒九女長適故右班殿直宋安國次早卒次適
左班殿直范湍卒次適陳州司法參軍吳瓌卒次三人
早卒次二人幼孫男十二人子禔三班奉職子禔右千
牛衛將軍襲楚國公子襪三班奉職子襪早卒子祿子
稜子球子禮子琰子禪未仕二人幼孫女十人四人早
卒六人幼九年二月己酉葬河南永安縣銘曰

太祖洪文追王楚邦爰暨良僖啓楚故封禰祠烝嘗薦
其必香龍衮桓圭以對先王於皇神宗敷睦繼絕列聖

在天縣縣瓜瓞公多孫子仁孝之祉乃公乃侯世奉楚祀

右班奉職妻安氏墓誌銘

君安氏開封人曾祖靖贈太子右內率府副率祖居簡
供備庫副使父巽左班殿直母馬氏歸宗室三班奉職
子瓔君在家孝于親順于長巧于女功及適趙氏事舅
如父母奉夫如長上內外親屬無不得其歡心平居下
氣怡聲未嘗忤物宗族每娶婦輒指為法式奉職官深

州君內治家事祭祀賓客必竭其力或捐脂澤奩具以
佐調急故奉職入官未幾衆翕然稱之元祐八年十二
月辛酉卒年二十有五男一女皆幼九年二月己酉
葬河南永安縣銘曰

婦無攸遂是職中饋克相其夫以濟外事宜壽而天永
齋厥志

右監門衛大將軍贈博州防禦使博平侯墓誌

銘

侯諱令駟字希才永清軍節度觀察留後宣城郡公惟和之曾孫寧國軍節度觀察留後宣城郡公從審之孫右屯衛大將軍世仍之子母安福縣君潘氏初賜名補右內率府副率歷右監門率府率右千牛衛將軍右監門衛大將軍侯幼喪父號毀族人幾不忍聞當祭感薦其之不豐約日費甘蔬糲以奉先祀如其志乃語人曰某之願足矣事母以孝聞從師受書易好學不倦為詞章雅麗清新美風姿善筆札隸字尤得古法娶朝散郎

劉革之女先卒貴戚求昏預言資送鉅萬侯曰娶妻以
為宗祀非為利也將再娶妻之妹或曰彼貧而陋侯曰
貧陋而賢此吾所速也將納采元祐二年四月丁亥卒
年二十有五男曰子侃三班奉職一女在室九年二
月己酉葬河南永安縣銘曰

藝而有文宗子之秀天畀之明而嗇其壽惟其不享以
利厥後

右武衛大將軍舒州刺史贈明州觀察使追封

奉化侯墓誌銘

侯諱令愔字和叔彰化軍節度使舒國公惟忠之曾孫
武勝軍節度觀察留後韓國公從藹之孫均州防禦使
武當侯世宣之子母普寧郡太君張氏初賜名補太子
右內率府副率歷右監門率府率右千牛衛將軍右監
門衛大將軍右武衛大將軍舒州刺史性孝友厚重不
妄笑語居家謹嚴接人謙恭口不言人過失好讀書祁
寒盛暑不少怠為篇章操紙筆立成音律奕射之藝無

不通喜賙人之急屬疾普寧夫人每往視之俟恐貽母
憂雖至困強怡悅未嘗言疾苦元祐二年三月丙子卒
於顯仁坊私第年三十三娶王氏闕壽縣君七男曰子
勣三班奉職曰子威右班殿直曰子隱三班奉職曰子
奎子翬餘皆幼三女長適三班借職鄭燎餘在室九年
二月己酉葬河南永安縣銘曰

言不訾毀無辱身兮力疾自悅恐傷親兮君子之行宗
室信兮慶則有餘在後人兮

右武衛大將軍光州刺史贈明州觀察使追封

奉化侯墓誌銘

侯諱令壺字聖輿彰化軍節度使舒國公惟忠之曾孫
定州觀察使博陵侯從質之孫右屯衛大將軍世鎮之
子初賜名補太子右內率府副率歷右監門率府率右
千牛衛將軍右監門衛大將軍右武衛大將軍光州刺
史侯幼孤事母兄孝友性純儉治家如寒素者絕聲妓
之玩喜讀書為歌詩屢求試換外官不許元祐五年十